

Ang Pinadayag Nagbutyag sa Profesiya sa Daniel

Leksyon 15

“Ug siya miingon kanako: Hangtud sa duruha ka libo ug totolo ka gatus ka mga gabii ug mga buntag; unya ang balaanong puloy-anan pagalinisan.” Daniel 8:14

1. Sa unsa nga panahon nagpunting ang 2300-ka adlaw nga profesiya?

Daniel 8:17 _____

“Ania karon, pahibaloon ko ikaw mahitungod sa mahatabo sa katapusang panahon sa kasuko; kay kana iya man sa tinudlo nga panahon sa katapusan” Daniel 8:19

2. Unsa ka dugay pagasirad-an ang libro sa Daniel?

Daniel 12:9 _____

3. Ang Pinadayag naghulagway sa usa ka kugan nga manulunda uban sa unsa diha sa iyang kamot?

Pinadayag 10:1, 2 _____

Ang Pinadayag 10 sa dili masayop naghigugod mahitungod sa libro sa Daniel:

Daniel 12:5-7 “Unya ako, si Daniel, mitan-aw, ug, ania karon, may mitindog nga laing duruha, ang usa niining daplina sa suba, ug ang usa niadtong daplina sa suba. Ug ang usa miingon sa tawo nga nasul-oban sa lino, nga didto sa ibabaw sa katubigan sa suba: Unsa ang kadugayon hangtud sa katapusan niining mga katingalahan? Ug nadungog ko ang tawo nga nasul-oban sa lino, nga didto sa ibabaw sa katubigan sa suba, sa diha nga gibayaw niya ang iyang kamot nga too ug ang iyang kamot nga wala paingon sa langit, ug nanumpa tungod kaniya nga nagapuyo sa walay katapusan, nga kini mahitabo sa usa ka panahon, sa mga panahon, ug tunga ba hinoon sa panahon, sa diha nga natibawas niya ang pagbungkag sa kagahum sa balaan nga katawohan, kining tanan nga mga butang mamahingpit.”

Pinadayag 10:5-7 “Ug ang manolunda nga akon gnakita nga nagtindog sa dagat ug sa yuta mibayaw sa iyang toong kamot ngadto sa langit ug nanumpa pinaagi niadtong buhi hangtud sa kahangturan, nga mao ang nagbuhat sa langit ug sa mga ania niini, sa yuta ug sa mga ania niin, ug sa dagat ug sa mga ania aniini, nga wala na gayuy langanlangan pa, hinonoa nga sa mga adlaw sa tingog sa trumpeta inighuyop niini sa ikapitong manolunda, pagatumanon na ang tinago sa Dios, suamal sa iyang gipahibalo ngadto sa iyang mga ulipon nga mao ang mga profeta.”

4. Ang misteryo hapit na mahuman sama sa gisulti sa Dios kang kinsa?

Pinadayag 10:7 _____

5. Asa man nahimutang ang mga tiil sa manolunda?

Pinadayag 10:2 _____

“Ug ang mamala nga dapit gihinganlan sa Dios nga Yuta; ug ang katilingban sa mga tubig iyang gihinganlan nga mga Dagat.” Genesis 1:10

6. Sa profesiya sa Bibliya, unsa man ang gisimbolo sa mga tubig?

Pinadayag 17:15 _____

“Diha sa ibabaw sa dagat ug diha sa yuta.” Pinadayag 10:5. Ang libro sa Daniel paga-ablihan diha sa lugar nga gipuy-an sa daghang mga nasud, ug usab diha sa lugar nga dili kaayo daghan ang mga tawo.

Sa 1800 ang Daniel usa ka sirado nga libro. Sa 1812 ang pagtuon sa profesiya nagsugod didto sa Englatera. Ug kadugayan milukop ngadto sa Europa, Asya ug Africa. Kadugayan sobra na sa gatusan ka mga magsusulat gikan sa nagkalain-laing denominasyon ang naghubad sa profesiya sa Bibliya. Nabuhian diha sa kamot sa orasan sa profesiya, daghang mga tawo, nag-nagrepresentar sa daghang mga nasud sa upat ka nagkalain-laing kontinente, sa ilang kaugalingon nagsugod sa paghubad sa katumanan sa 2300-ka mga adlaw nga profesiya.

Sa Estados Unidos, ang pinaka-inila nga magbutyag mahitungod sa Daniel 8:14 mao ang usa ka Baptist, si William Miller. Siya ug ang 43 ka mga ministro sa 13 ka nagkalain-laing denominasyon nagbutyag sa pinakadaku nga pagpukaw sa profesiya sa kasaysayan sa

America. Pinaagi sa makugihon nga pagtuon sa 2300 - ka mga adlaw nga profesiya, sila nakadiskubre nga ang 2300 ka mga adlaw matapos sa Oktubre 22, 1844.

7. Sa dihang ang libro sa Daniel anaa sa ilang mga baba, daw sa unsa nga sama kini?

Pinadayag 10:8-10 _____

“Ang imong mga pulong hikaplagan ug gikaon ko sila; ug ang imong mga pulong alang kanako maoy kalipay ug pagmaya sa akong kasingkasing: ” Jeremias 15:16

“Pagkatam-is gayud sa imong mga pulong sa akong pagtilaw! Oo, labing matam-is pa kay sa dugos sa akong baba.” Salmo 119:103

8. Apan sa human kini ilang natulon, unsa ang nahitabo?

Pinadayag 10-9-10 _____

Komon nga gituohan kaniadto nga ang yuta mao ang santuwaryo nga pagalimpyuhan, ug nga si Jesus maabot sa katapusan sa 2300-ka mga adlaw. Walay mensahe nga unta mas tam-is pa. daghan ang mibuhi sa ilang mga trabaho ug naghatag sa ilang mga katigayonan aron sa pagpakaylap sa kahibulungan nga balita. Apan sa dihang milabay ang panahon ug si Jesus wala mibalik, sila nakasinati sa pinaka-pait nga pagkapakyas sa ilang mga kinabuhi.

9. Sila nga nakasinati sa pait nga pagkapakyas gipahibalo nga sila mag buhat pag usab sa unsa?

Pindayag 10:11 _____

10. Unsa man ang pagasukdon?

Pinadayag 11:1 _____

11. Asa man pagaablihan ang templo sa Dios?

Pinadayag 11:19 _____

12. Giunsa man sa mga apostoles pagtawag ang templo sa Dios sa langit?

Hebrohanon 8:2 _____

13. Ang yutan-on nga tabernakulo, isip kapareho sa iyang sundanan, nahimong usa ka ehemplo ug landong sa unsa?

Hebrohanon 8:5 _____

14. Giunsa pag-ila ang langitnong tabernakulo, kompara sa yutan-on nga tabernakulo?

Hebrohanon 9:11 _____

15. Kinsa ang labawng Sacerdote sa langitnong santuwaryo?

Hebrohanon 9:11 _____

16. Unsa ang duha ka lawak sa yutan-ong santuwaryo diin nabahin pinaagi sa tabil?

Exodo 26:33 _____

17. Unsa ang lahi nga pangalan sa pinakabalaang dapit?

Hebrohanon 9:3 _____

18. Kapila man musulod ang yutan-ong labawng sacerdote niana nga lawak?

Hebrohanon 9:7 _____

19. Unsa ang katuyuan sa dugo diin iyang gidala didto sa sulod?

Hebrohanon 9:7 _____

Ang yutan-on nga Adlaw sa Pagtabon sa sala nga nahitabo “ka usa matag tuig” gihulagway sa Levitico 16. Kini nag simbolo sa buluhaton ni Jesus nga magsugod sa pinakabalaang dapit sa langitnong santuwaryo sa tuig 1844.

20. Unsa man ang pagabuhaton sa tanang mga tawo nianang adlaw?

Levitico 16:29 _____

Alang sa mga Hudiyo, ang Adlaw sa Pagtabon sa sala usa ka solemni nga adlaw sa paghukom. Ang encyclopedia sa Hudiyo naghulagway niini sa musunod: “ang Dios, naglingkod sa Iyang trono sa paghukom sa kalibutan... nag-abli sa Libro sa mga Rekord; kini gibasa, matag pirma sa matag usa ka tawo makaplagan didto. Ang dakung trumpeta pagapatingogon; usa

ka gamay nga tingog ang madungog; ang mga manulunda nagkurog, nanagsulti, kini mao ang adlaw sa paghukom... sa Adlaw sa Pagtabon sa sala nasilyuhan kinsa ang mabuhi ug kinsa ang mamatay.”

21. Unsa man mabuhat niining adlaw sa pagtabon sa sala ngadto sa katawhan?

Levitico 16:30 _____

22. Unsa man ang mabuhat niini sa balaang santuwaryo ug sa tabernakulo?

Levitico 16:16 _____

23. Ngano nga kinahanglan man sa santuwaryo ang pagtabon sa sala?

Levitico 16:16 _____

24. Kinahanglan usab nga ang mga sundanan ug langitnong mga butang paga-unsan?

Hebrohanon 9:23 _____

25. Sa usa lamang ka pulong, unsa man ang pagabuhaton sa santuwaryo sa katapusan sa “2300 ka mga adlaw”?

Daniel 8:14 _____

Diha sa Kahayag sa Pulong sa Dios....

- Ako nakasabot nga ang mga serbisyo sa santuwaryo sa Karaang Tugon gihulagway diha sa buluhaton ni Cristo alang sa plano sa kaluwasan.
- Ako nakasabot nga, sama sa serbisyo sa Pasko sa Karaang Tugon gihulagway sa sakripisyo ni Cristo didto sa krus, mao usab ang karaang “Adlaw sa Pagtabon sa Sala” gihulagway sa dakung pagtabon sa sala sa atong Labawng Sacerdote nga karon nagbuhat alang kanato didto sa langitnong santuwaryo.

Dugang komentaryo: _____

Pangalan: _____

Sunod nga leksyon: **Ang Paglimpyo sa Santuwaryo**